

POSJETA STUDENATA IZ NJEMAČKE EKONOMSKOM FAKULTETU BRČKO

Naš fakultet je u saradnji sa organizacijom „SVITAC“ ugostio studente Univerziteta Goetke iz Frankfurta, 20. 08. 2018. godine.



Studente je interesovalo kakav je naš sistem studija, kolika je školarina, udio muških i ženskih studenata na Fakultetu, te da li postoji određena državna pomoć studentima našeg Fakulteta. Razmijenili smo iskustva po pitanju studentske organizacije, zanimalo ih je da li je naša studentska organizacija evolvirana u politiku Univerziteta, te da li naši studenti imaju pravo glasa pri donošenju odluka Univerziteta.



Rekli su nam da kod njih funkcionišu dvije studentske organizacije, koje imaju velike budžete, iz kojih se pored određenih aktivnosti, finansiraju i studenti koji rade u tim organizacijama. Isto tako, imaju jedan prostor samo za sebe, takozvanu studentsku kuću. Čuli su da u Brčko distriktu ima dosta nezaposlenih i da je teško zaposliti se, te ih je interesovalo da li naš Fakultet pomaže svojim studentima po tom pitanju.

Objasnili smo im da naš Fakultet ima saradnju sa Centralnom bankom i da su ove godine naša 3 studenta obavljala tamo praksu. Pomenuta je i ljetna škola, koju naši studenti pohađaju u Rusiji, već drugu godinu zaredom. Upoznali smo ih i sa našim planom razvoja studentskog razvojnog centra, gdje bi naši studenti mogli pružati usluge privrednicima po nižim cijenama.

Rekli su nam da oni imaju državnu pomoć koja se računa po platama roditelja, te kod njih postoji sistem „4 sata studiranja - 4 sata rada“.

Dekan ih je pozvao na Međunarodnu studentsku konferenciju, koja će se svake godine održavati na našem Fakultetu i na kojoj će prisustvovati studenti iz Rusije i drugih država.

